

lipu tempo

ISBN 2752-4639

977 2752 463 00 6

>Hello! You're looking at *lipu tempo*, a magazine written in Toki Pona.
Maybe you're new and want to know more about this language. Great!
This page hopes to answer some of your questions.

What is Toki Pona?

Toki Pona is an elegant minimal language. It was created by the Canadian linguist Sonja Lang in 2001. It has only got 14 letters and about 130 words.

Why would I learn Toki Pona?

Despite how tiny the language is, it is still possible to describe any concept with it. This might fascinate you. Maybe you just want to take a break from the complex world we live in. Or perhaps you just want to talk to your friends without others knowing what you're saying.

How can I learn Toki Pona, and where can I use it?

There is the official book: *Toki Pona: The Language of Good* by Sonja Lang. It teaches how to use Toki Pona. Sonja made a *Toki Pona Dictionary* too. There are also several free online courses. You can find Toki Pona groups and learning resources on tokipona.org, the official website, as well as on our own website: liputempo.org.

I


Do you want to contribute?
That's great! You can join us on liputempo.org. We communicate in a Discord server.

sina wile pali tawa lipu tempo la
o tawa lipu liputempo.org · lon
ona la sina ken tawa ma mi · jan
pali li toki lon ona · sina kama
lon kulupu la ni li pona a ·

All text and images in this document are licenced under a CC BY-SA 4.0 licence, unless indicated otherwise.

sina wile pana anu ante e ijo pi
lipu ni la o lon nasin · nimi nasin
li lon pokta pi ijo ni la o lon ona ·
tawa ijo ali ante pi lipu ni la
o lon nasin CC BY-SA 4.0 ·


nanpa jaki



FAQ

jan pali

seme li mi



jan Alonola + kije Enki + jan Imi
+ jan Kasape + jan Ke Tami + jan Lapate
+ jan Nalu + jan Penta + jan Polo + jan Tesu
li toki.

jan Alonola + jan Kasape + jan Ke Tami
li alasa e pakala toki.

jan Alonola + jan Ke Tami li sitelen.

jan Simo li sitelen e sitelen sinpin.

jan Kasape li sijelo e lipu.

jan Alonola + jan Sonatan li lawa e kulupu.

pilin 3 nasin Sijon
li nasin sewi Juta ala al!

4 musi Og
en nimi pi mute lili

sona 6 sitelen nasa
lon nasin Juniko

7 kulupu Kans la
jan meli li kama ken

8 jaki sijelo ni
li moli nanpa wan

10 toki Lasina
li pona tan seme?

musi 11 ma nasa –
tempo open

12 pini weka

13 tawa o tawa

14 wan taso la

14 musi lili

14 jaki anu poma

15 seme li mi

15 kijetesantakalu o

ante la lipu ni
li toki e toki ante

mute e sitelen kin.
toki li jaki ala li pona
tawa mi mute.

ni la o kama sona
e ijo ale o musi

kepeken lipu tempo!
– jan Sonatan


– jan Sonatan

toso ijo mute li ken
jaki. utala li ken pali
e jaki. jaki lili lon
insa sijelo li ken jaki
e sina kin.

toso ijo mute li ken
jaki. utala li ken pali
e jaki. jaki lili lon
insa sijelo li ken jaki
e sina kin.


ante la lipu ni
li toki e toki ante

mute e sitelen kin.
toki li jaki ala li pona
tawa mi mute.



kijetesantakalu o

tan jan Ke Tami



lipu ni li tan kulupu
lipu tempo e.V.
kulupu ni li lon ma Aken:
ona li lon ma Tosi:
mi pana e lipu ni
lon tempo nanpa 2024.


wan taso la

wan taso!
wan taso la, mi tokinsa
e suli; ma weka la, mi
nanpa e tawa noka mi;

tan jan Lapate


mi wile ala oko e sitelen ante noka.
pilin pona li weka; lon sinpin mi la,
jan ale li ken lukin e seli insa mi.
mi la, len ante ala li lon: mi
o weka, o wan taso a!
Solo e pensoso

tempo ni la, nena suli en telo tawa
en ma pimeja pi kasi suli li sona
e lon mi, e lon len mi.
taso nasin weka ale la, olin li
alasa e mi, li toki tawa mi; kin la,
mi toki tawa olin a!



musi lili

tan jan Tesu



nasin Sijon li nasin sewi Juta ala a!

tan jan Polo

→ mi sitelen e lipu lili ni tawa ni: mi wile toki e ijo suli tawa
kulupu. ijo suli li ni: nasin Sijon en nasin sewi Juta li ante mute.
tan nila jan li ken toki e ni: kulupu lawa pi ma Isale li like mute.
taso nasin sewi Juta li like ala! lon la ma Isale li like tawa jan
mute kin pi nasin sewi Juta. pilin mi la jan lawa Netanjaku pi
ma Isale li like mute. tempo ni la jan mute pi ma Isale li moli la
jan mute mute pi ma Pilasin li moli a. jan lili mute kin pi ma
Pilasin li moli.

jan Netanjaku en jan poka ona li pali e ni. ona li toki e ni: mi
pakala e ma Kasa tawa ni: "mi wile weka e kulupu utala
Kamasi". lon la ona li pakala li moli e jan mute pi like ala e jan lili
mute mute. jan lili pi ma Pilasin en kulupu utala Kamasi li sama
ala. jan Netanjaku li sona ala. ona li nasa. kin la ona li pakala
ala e utala monsuta. ona li pakala e jan pi like ala li lon e jan
mute pi utala monsuta pi tempo kama.

mi pilin e ni: jan Netanjaku o tawa tomo awen pi jan like. mi pilin
e ni kin: lon la ona li jan pi nasin sewi Juta ala tan ni: ona
li sona ala e toki lawa pi nasin sewi Juta (pi nasin sewi Jesu
kin). toki lawa nanppa luka wan li toki e ni: o moli ala e jan!


pilin mi la ma Isale o weka. ma sin o kama lon. ma sin ni la jan
pi ma Pilasin en jan pi nasin Juta o awen lon poka sama. ona
o sama! ona o kama jo e ijo sama. sama ma Pesije la ma pi
kulupu tul li ken, la ma pi jan Juta pi jan Isilan li ken kin. mi
awen lon ma Malasija. ma ni la jan pi nasin sewi Isilan en jan pi
nasin sewi Puta en jan pi nasin sewi Palata en jan pi nasin sewi
Jesu li awen lon poka sama. ona li utala ala a! mi wile e ni: utala
pi ma Kasa li kama pini. ike la ma Elopa en ma Mewika li pali pi
lili like tawa ni. toki li mute, taso pali li lili. lon la ma Mewika
li awen pana e ilo moli mute tawa ma Isale al ni like mute
tawa mi. tempo ale la tan li lon ala tawa moli jan a!

jaki anu pona

tan jan Alonola

mi wile esun e len noka
tauso mi jo ala e mani a
mi tawa esun pi sin ala
alasa esun o open a


len ni li lukin pona tawa mi
tauso lupa li lon, ni li jaki
len ante li laso pimeja, pona!
tauso soveli lili li lon insa
len ni li jaki, len ante kin
tauso mi oko e len sin
len li jaki ala tawa mi
mi kama jo e len ni



jan Alonola

musi Og en nimi pi mute lili

tan jan Nalu



→ tempo open pi toki pona la, ona li toki pi lili
nampa wan – ona taso li lon...

...anu seme?

jan pi mute lili li sona e ni: lon la, ijo toki
musi pi lili mute li lon; tempo open pi toki
pona la, ona li tan tempo pini. ona li toki lon
ala, taso ona li sama lili toki.
sike suno nampa 1995 la jan Ato Kijosi (Aldo
Ghiozzi) li pana e musi Og, ona li seme? lon
la, nimi ni li kalama sama “mu”, tan ni: musi
Og la sina wile toki, taso sina sona ala
e nimi mute. sina weka e nimi la, sina o ken
luka anu mu!

lon musi ni la, sina pali sama jan pi tempo
pini pi weka mute (*ona li jan lon ala, li musi
taso; pu ala la, sina ken nimi ni ona; jan
kama*¹). taso, jan ni li sama ala jan lon pi
tempo pini weka, li musi taso: ona li lon
poka pi akesi monsuta² li ipali e ijo musi
mute li nasa mute.

jan pi musi Og li sona ala e ijo suli mute pi
tempo mi li sona e ijo lili pi tempo pini taso.
suli la, ona li ken ala toki suli li sona ala
e nimi mute. ona la toki pona li toki suli a!

tawa O tawa

tan jan Penta

→ mi pakala taso .

ni li pona •
ni li pona •
ni li pona •

mi wile moli •

ijo ike li ijaki e lawa mi •

mi wile ala lon •

seme?

ni li pona mute •

sina toki like tan seme?

a!

sona li weka la ni li nasin ken taso •

sina pana ala e suli •

ni la mi o pilin pona tawa sina
kepeken seme?

...

sina sona •

pakala taso li mi •

sina ni tan seme?

a!

mi ni tan ale •

ale li like, a •

o pini e powe sina •

...

mi ken ala •

mi toki e lon taso, e lon ike •

taso ona li like seme?

a!

mi tu li ken lukin lon tempo sama •

...

mi ken ala lon sina •

...

sina wile e sona sin taso •

...

tan seme la mi o wile e sona ala?

a!

mi toki ala e ni!

...

sona taso li ken •

...

taso sona o lili lon toki ni pi mi tu •

...

o ni tan seme?

...

ona li tan ni : mi wile e pona kama ala!

...

mi wile toki taso e ike •

...

mi la ri li pona •

...

mi pona tan ni •

...

taso mi pakala tan ijo ante •

...

mi sona •

...

jan li olin pakala e mi, li pakala e mi •

...

akesi • I

...

apeja li mi!

...

a!

...

jan li olin pakala e mi, li pakala e mi

...


mi sona •

→ jan Jakomo Lopate¹ li jan pi toki musi
li jan pi nasin lawa kin tan ma Italiya. pali
ona la, sona pi jan ali la, toki musi ni li suli.

jan Jakomo li tan ma tomo lili: lon poka ona
la nena li lon. tempo mute la, jan Jakomo
li wile weka e pilin ike ona la ona li tawa
sewi nena li awen lon ni.

pini weka


tan jan Nalu



jan Ke Tami

pini weka
tempo ali la mi olin e nena ni
e sinpin kasi ni: tan nasin mute la
ona li len e lukin tawa weka.
taso mi anpa la mi oko insa
ijo ali ni lon monsi simpin:
e ma pi pini ala, e pora suli,
e kalama ala sewi; a, mi pilin
monsuta lili kin. mi kute e kalama
pi tawa kon lon kasi la mi sama
e kalama ala ni e kalama kasi:
mi lukin insa e tempo ali suli
e tempo pini moli e tempo ni lon
e kalama ona. ni la lawa mi
li insa e telo pi suli ni sewi:
telo ni li ampa e mi la ni li suwi.

–jan Jakomo Lopate, 1818 anu 1819

jan Loli² en jan Alonola

tauso, sina ken ala toki sama ni, tan ni: sina
sona ala e nimi! ni la, sina o alas a toki
kepeken nimi pi mute lili taso, kepeken luka
sina kin.
sina ken toki sama ni:
mi sina tawa kasi pakala ijo moku!
[wile la, sina o pana e luka sina tawa ma
kasi; sina o pana e luka lon lawa sina sama
palisa lawa; sina o mu sama soweli pi palisa
lawा]
kasi kiwen pakala ijo!
[wile la, sina o tawa e luka sina sama ni:
sina utala e ijo kepeken palisa suli]

mi sina tawa ijo lupa! seli ijo! moku ijo!
[wile la, sina o pana e luka sina tawa tomo
kiwen, o tawa e palisa luka sama seli,
o pana e ona tawa uta sina]
ni ali li pilin nasa musi mute, a a al kin la,
sina musi ri kepeken nimi pi toki pona la ni
li like suli ala, tan ni: toki Inli en toki suli
ante la nimi wan li jo e kon lili, toki pona la
nimi wan li jo e kon suli. ni la, nimi pi nanpa
lii kin li ken wawa a.

tempo tu wan la jan Ato Kijosi en jan Wapin
Lose li pana e musi Og:
•1995 – musi “Og” tan jan Ato Kijosi
(Aldo Ghiozzi)

•2000 – musi “ma Og” (toki Inli la,
Land of Og) tan jan Ato Kijosi
•2007 – musi “Og tan anpa ma” (toki inli la,
Og: Unearthed Edition) tan jan Wapin Lose
(Robin D Laws)

sina ken lukin e sona e toki pi musi Og lon
lipu ni (kepeken toki Inli):
1 ijo “kana” li lon ma ala: ona li lon toki taso anu lipu
taso anu sitelen taso anu lawa taso anu musi taso.

2 akesi monsuta li waso akesi ma pi tempo pini pi
weka mute suli; lon la ona li lon ala poka pi jan pi
tempo pini. jan ni kin la, ona li lon tempo pini pi
weka mute a.

3 lupa lon insa poka pi nena suli; toki ante la, ni
li ken nimi wan. sina wile musi kepeken toki pona la
sina ken kepeken nimi “lupa” anu nimi “tomo”.


⁴ toki ante la, ni li ken nimi wan. sina wile musi
kepeken toki pona la, ken la sina ken kepeken nimi
“ko” anu nimi “linja”.

¹ Giacomo Leopardi, 1798–1837

² Eleonora “Lori” Lucchesi, 1939–2024.

sitelen nasa lon nasin Juniko¹

tan kije Enki



jan Alonola

moku linja Pijanpijamijen

→ **nasin Juniko li open lon tempo sike nanpa**
1991 (nasin nanpa pona la #LLTTAMMMMLLW), nasin 1.0.0 la ona li jo e sitelen 7129 (MMMLLWAMLTT) taso. tempo li kama la, jan pali pi nasin Juniko li awen pana e sitelen sin, nasin 15.1 li nasin sin la ona li jo e sitelen 149.813 (LLTTAMMMMLLTWALLTW) al mute anu sem? lipu ni la, mi tok e sitelen pi nasa mute lon nasin Juniko a.

sitelen O pi oko mute
tomo sewi pi nasin Jesu la, ma li lon kulupu toki Lojanki li kepeken e toki Lojanki². sitelen ni li lukin sama oko luka luka. ona li lon nasin Juniko tan ni taso: ona li lon lipu majuna³ a, jan li kepeken e ona lon tempo wan taso. nasin kepeken ona li lon nimi tu ni: “cepafimini mnhor⁴chitii” (serafimi mnogočitii). toki pona la, nimi ni li “jan sewi sewi pi oko mute⁴”. linja elo mute la sitelen ni li jo e oko luka tu taso. taso ni li tan pakala pi nasin Juniko.

sitelen O oko ante li lon kin, taso ona li musi ala, ona li jo e oko wan taso anu oko tu taso.

ma nasa – tempo open

tan jan Alonola

nanpa tu la, jan sewi telo li wile lawa e kon telo sin. ni la, ona li ante e kala: ona li pana e ilo pi tawa kon tawa kala. kala li ken tawa sewi kepeken ilo ni. tempo kama la, kala ni li jo e nimi waso.

tempo telo

→ tempo pini mute la, telo taso li lon, jan sewi telo li lawa e telo suli ni. taso telo taso li like la, jan sewi telo li pali e kala, e kasi. kala suli li lon, li lon selo telo la, monsi ona li lon telo ala. monsi ona la, kala ma en kasi ma li lon. jan sewi telo li lukin e monsi, li pilin ike tan ni: monsi pi kala suli li lon telo ala. telo ala la, ona li ken ala lawa. jan sewi telo li kalama li pakala, li tu: jan sewi telo en jan sewi ma.

jan sewi pona tu taso li ken ala weka e jan sewi like. ni la, jan sewi pona tu li pali e jan sewi lili sin mute. jan sewi pona ale li poki e jan sewi like, li tu e ona. taso ona li ken ala weka e jan sewi like. ona li poki taso. ni la, tempo pimeja en tempo suno li lon; tempo seli en tempo lete li lon; ma seli en ma lete li lon.

tempo sewi

jan sewi telo li pilin like tan jan sewi ma. jan sewi telo li wile e ni: telo li lon ma. ni la, ona li pali e kon telo, kon telo li lon sewi, li tawa anpa lon tempo mute. ni li pona tawa jan sewi telo. taso ni li like ala tawa jan sewi ma tan ni: telo tan sewi li pona tava kasi ma.

tempo jan

jan sewi lili li kama mute. tempo ni la, ona li sewi ala, li sewi lili taso. ona li lon ma, lon telo, lon sewi, li ante mute. tempo ni la, jan ni li jan taso. jan ni li pali e tomo, e ilo, e kasi. tempo ni la, pona en ike li lon poka ona.

toki Lasina li pona tan seme?

tan jan lmi

→ **tempo pini illi la**, mi open kama sona e toki Lasina. ni la, jan mute li wile sona e ni: sina kama sona e toki ni tan seme? toki Lasina li moli! ni li lon. taso toki Lasina li awen pona tawa jan ale. ni li tan seme? lipu ni la, mi wile toki e ni.

ken suli la, sina sona e ni:
jan li toki e toki Lasina
lon tempo pini suli. taso
ken la, sina sona ala e ni:
jan li pini ala kepeken
toki Lasina. jan li sitelen
kepeken ona lon tempo pi
suli mute! ni la, sina
kama sona e toki Lasina
la, sina ken lukin e lipu pi
tempo ante mute. ken suli
la, sina kama sona e toki
Lasina la, sina kama pilin
e ni: sina jan pi tempo
pini! ni li lon kin: sina
sitelen kepeken toki



jan Ke Tami

sina kama sona e ona la, ona li wawa e lawa
sina e sona sina! kin la, nimi mute pi toki

mute li kama tan toki Lasina la, sina ken sona pona
e toki ante. ken la, sina sona e ni:

nimi "pona" li kama tan nimi pi toki Lasina
(bona). nimi "tomo" la, ni li lon kin
(domus)!

mi pilin eijo nasa: toki Lasina li ken toki pi
ma ale. ni li tan seme? tan napa wan li ni:
jan li sitelen kepeken ona lon

tempo suli. ni la, lipu mute
li kepeken toki Lasina. kin la,
jan li sona pona e napsin pi
kama sona pi toki Lasina. ni
la, ona li ken pana e sona
kepeken napsin pona! tan
nappa tu la, toki Lasina li jo
ala e ma. ni la, ma ala li ken
toki e ni: toki ni li toki mi! taso


la, sina wile kama sona e toki
Lasina la, ni li wile e tempo
mute. kin la, toki Lasina
li pona tawa jan pi ma Elopa.
ken la, ni li lon ala tawa jan pi
ma ante. taso la, toki ala pi
ma ale li pona ale.

jan li kama unpa li kama jo insa e jan
pi lili a li wile e ona ala la seme li ken.
kulupu mute la jan ni li moli e jo ona la
kulupu li wile pali e pali ike tawa ona .
taso kulupu Kanse li sin e wile ona . jan
li wile moli ejo ona la kulupu li ken e ni
e toki ante pi sin ala!

kulupu Kanse la jan meli li kama ken

tan jan Kasape

→ jan li kama unpa li kama jo insa e jan
pi lili a li wile e ona ala la seme li ken.
kulupu li kama toki e ni · jan mute li kama
pilin pona tan ni .
kulupu lili Kanske la jan pi wawa ali li toki
e ni : lon kulupu suli kin la jan jo o ken pali
e pali sama lon ali .



jan Alonola

sitelen pi kon moli
tempo pini la, ma Nijon li jo e napsin nampa
ante. napsin ni JJS X 0208. ona li jo
e sitelen pi toki Nijon e sitelen pi toki ante.
taso sitelen 12 (LLT) lon napsin nampa ni
li nasa tan jyo wan sama: jan ala li sona
e tan ona. toki Nijon la ona li "幽靈文字"
(yūrei moji, "sitelen pi kon moli"). sitelen
ale pi kon moli li ni: 墓; 墓; 墓; 墓; 墓; 墓;
樟; 樟; 樟; 樟; 樟; 樟.

leko lon polka pi linja alas a anpa
pini la, mi wile pana e sitelen wan ante
tawa sina: sitelen ↗ (RIGHT ANGLE WITH
DOWNWARDS ZIGZAG ARROW, anu

"angzar") li... jan ala li sona al sin a ken
kepeken e ni lon napsin wile sina. ni la, mi
pali e nimi sin tawa nimi ni: lekanpa!⁵

¹ napsin Juniko (Unicode) li napsin namps tawa sitelen.

² toki Lojanki (СЛОВѢНСКѢ НѢЗВѢКѢ) li "Old Church Slavonic" lon toki Inli.

³ majuna li sin ala.

⁴ sitelen ↗ li lon la sitelen "o" li lon ala.

⁵ tan "leko" + "anpa"

Valete, amici et amicæ! (o tawa pona, jan
pona o)

jaki sijelo ni li moli nampa wan

tan jan Ke Tami

➔ o pilin. ijo lili li tawa insa pi sijelo sina. ni li lon tempo ale a. taso sijelo sina li ken utala e ona li ken weka pona e ona. ona li kama ken ala ni la ni li ken kama ike. ijo lili li ken ike e sijelo sina li ken pakala e insa sijelo li ken moli e sina. sina sona e ni. taso ijo jakitu li ike sama ala jaki ante. ona tu li moli e jan pi mute suli a. ona nampa wan li sin lon tempo sike poka li tawa ma ale. sina sona e ona. sina len e uta sna tan ona. sina awen lon tomo tan ona. ona li ike suli tan seme - mi utala e ona la utala li sin taso. utala li awen anpa e ike ona, li wile e tempo.

taso jaki na npa tu li sin ala. sin ala aaa. ona

li tan tempo weka. lipu en sitelen toki li kama ijo sin la ona li sin ala. ale tempo la jaki ni li moli wawa nampa wan. utala ale li moli pi wawa ni ala lon ale tempo.

ijo pikaki ike ni li lon sijelo la ona li wile kama mute. ijo li mute lon sijelo la ni li ike - sijelo li wile utala e ijo jakit la ni li seli ike e sijelo e ijo sijelo li pakala e ijo sijelo li moli e ijo sijelo - kin la, ijo jakit li moku e moku pi ijo sijelo la ijo sijelo li ken ala moku li moli. suli la, jaki ni li mute lon poki insa kon. ona li ken lon ijo sijelo ante, taso ona li lon poki


kon la kon li ken pana e ijo jakit tawa jan ante e jakit tawa sijelo pi jan ante. mute li suli ike la poki kon li kama pakala mute. ni la jan li ken ala moku pona e kon li kama wile lape mute li kama moli lon tempo. ike a. taso telo sijelo anu len anu selo li pana ala e ijo jakit sama kon. kon li tawa wawa la ijo ike li jakit e sijelo la ni taso li ken pana e ijo jakit tawa jan ante.

jaki ni li ken nasa tempo. ijo ike li kama lon sijelo la ijo li ken jaki e sijelo lon tempo poka, li ken jaki lon tempo sike kama mute. ijo ike li jo e selo pi ko awen la sijelo li ken ala utala pona e ona. tan ni li, sijelo li pana e lipu walo tawa ijo ike. lipu walo li mute la lipu li ken kama poki kiwen tawa ijo ike li awen e ijo lon insa. poki ni li kiwen pi nimi Tupeku la nimi pi ijo ike en nimi jaki li Tupekulosi. ijo ike ale li awen lon poki la sijelo li kama ala jaki.

nasa tempo ante la, selo ko pi ijo ike li wile e tempo. ijo jakit ni pi selo ko li wile kama mute la ona li sama ala ijo jakit ante. jaki ante la ijan poka li kama jakit lon tempo polka la jan alasa li ken sona pona e nasin pi tawa jaki. taso jakit ni pi nasa tempo la jan alasa en jan poka li ken ala sona pona sama.

a, ni ale li ike. jan mute li moli tan ona. kulupu li ken ala utala e jakit la jakit li mama pi ike suli. a. taso kulupu li ken a utala. jan sona li sona pali e moku nasa pi weka jaki. jan alasa li sona oko e sijelo jaki kepeken ilo oko. jan pi sijelo jaki li wile weka e jakit tan sijelo. taso ilo oko pona en moku nasa pona li lon ala ma pi sijelo jaki. sijelo jaki li lon ala ma pi ilo pona li lon ala ma pi moku nasa. kulupu li ken utala e jakit lon ma ale, li utala ala e jakit lon ma ale. utala ala ni la, ike suli li tan ala jakit, li tan kulupu, li tan mi ale a. mi ken weka e jakit ni pi moli nampa wan a. taso ni li ken pali suli li moli ni ala. mi o ni. Seme li ken? moku pi lili ike en jakit ante en ilo oko ala en moku nasa ala li suli wawa a e ken moli. jakit moli li suli lon ma pi moku lili, lon ma pi jakit ante, lon ma pi ilo oko ala, lon ma pi moku nasa ala. mi wile ante e ona ale a. taso mute moku en weka pi jakit ante li wile e tempo e ijo mute. ilo en moku nasa li wile e ijo wan taso - mani. jakit moli li lon ma pi mani lili. mani la, ijo tu li suli. nampa wan la, mani o tawa ma pi jakit ike. kin la, mi wile e ijo pi wawa sin la mani o tava sona ilo. jakit li lon ala ma mani la ma mani li pali ala e ilo sin. nampa tu la mani li en mani pi moku nasa o kama lili. a, mani li ken a kama lili. o sona -

ni. kulupu esun li ken wile e mani lili. taso ona li wile e mani pi mute ike. jan mute a li sona ala e lon jakit e nasin pona li kama moli li moku e moku nasa kin pi wile ala.



jan Ke Tami

open la kulupu wile li toki tawa ona. ona li toki ike tawa kulupu wile. kulupu li tok wawa tawa ona li toki e ike ona. kulupu esun li kama ante lili e nasin mani lon ilo ona. taso ante lili o ante suli. mi en jan ante mute li awen toki wawa li ken toki utala lon ike ona li ken toki suwi lon ante ona. a, mi ken wile toki e ijo ante mute. nasin pana en nasin pi oko sijelo o kama ante. nasin pi kulupu esun en nasin mani o pakala. taso open la mi ken ante e nasin pi wile kulupu.